

## Fas Tesalonaeka Nægkiariien sə rani mə nəfe i nəkukuə

Pol ramavən maməvisau irapw nəgkiariien amasan səvəi Kristo ia kwopun me. Ia navəniən səvənhi sə ro kəru irə rərpwi vi a nousəsımwiniən səvəi nakalasia me fwe Tesalonaeka. In rarə fwe ikın nəfwakiien kahar nənə mier ti nəri nə mə nəkur Isrel həmwəki in, mhometə in. Ia nuk 51 Timoti rərhi pen nəkukuə riti revən ti Pol maməgkiari ia narəien səvəi nakalasia me fwe Tesalonaeka. Pol ramarə fwe Korin nəpın in ruvehi nəkukuə səvəi Timoti. In rokeikei mə truvehi utə nətəriɡiən səvəi nəkur Tesalonaeka ro pen rırai nəkukuə i. Pol rınaməgnəɡini nəkur Tesalonaeka ti nəri nə mə hamərər əknekin ia nahatətəien səvənraha nəpın nərmama hamometə irəha. In ramahatən irəha ia narəien sə ratukwatukw ia nəmri Kumwesən, mamahatən mwi irəha ia nuveheien səvəi İesu. Kitaha səreirei mə İesu truvehe ia nəfe nəpın. Ro pen tsaməmwur ia noien amasan meste nuveheien səvəi İesu Kristo.

<sup>1</sup>\*Iou Pol, Saelas, mine Timoti.

Nəkukuə i rauvehe tukumiaha nakalasia me fwe Tesalonaeka. Kimiaha nərmama səvəi Kumwesən tata səkitaha mine İesu Kristo İərimənu səkitaha.

Pwəh namasanien mine nəmərinuien krauarə tukumiaha.

---

\* **1:1:** Wok Me 17:1-10, 2Tes 1:1

*Kini vivi Kumwesən ti nahatətəien səvəi nəkur  
Tesalonaeka*

<sup>2</sup> \*Nəpɪn me pam iahaməni kɪmɪaha ia nəfwakiien me səkɪmaha, nənə mamhəni vivi Kumwesən tukumɪaha pam, <sup>3</sup> \*tɪ nəri nə mə ia nəmri Kumwesən Tata səkɪtaha rerɪmaha ramrhi noien amasan səkɪmɪaha sə ruku pen ia nahatətəien, mɪne nəmwurien səkɪmɪaha sə ruku pen ia nokeikeien, mɪne nərerien səkɪmɪaha sə hiamərer əknekɪn irə tɪ nəri nə mə hiamri pen əknekɪn nətərigien səkɪmɪaha ia Iərimənu səkɪtaha Iesu Kristo.

<sup>4</sup> Piak me, Kumwesən rokeikei kɪmɪaha, nənə muvərɸi raka kɪmɪaha mə kɪmɪaha nərmama me səvənhɪ. Kɪmaha iahəukurən amasan mə nəri nəha ro nɪpərɸienien <sup>5</sup> \*tɪ nəri nə mə nəpɪn nəgkiariien amasan sə iahaməvisau irapw i rɪməuvehe tukumɪaha fwe kupwən, rɪpkuvehe mhə ia nəgkiariien a, mətə ruvehe mwi ia nəgsen, mɪne Nənimwɪn Ikinan, mɪne ia suatuk riti sə rahatən pen mə hiamahatətə pərɸien irə. Nənə nəpɪn iahənarə kɪtaha m kɪmɪaha, hiəukurən mə iahənfərə irə. Iahəno a narimnari me rasitu ia kɪmɪaha. <sup>6</sup> \*Nənə ia nəpɪn nəha hiəuvehe mhəmwhen a ia kɪmaha mɪne Iərimənu səkɪtaha, tɪ nəri nə mə nəpɪn kuvei pehe nəgkiariien səvəi Kumwesən m kɪmɪaha nənə hiəuvehi nərmama ho nəmisəien asori m kɪmɪaha, mətə Nənimwɪn Ikinan ro rerɪmɪaha ragien a. <sup>7</sup> \*Ia noien nəha hianahatən suatuk amasan riti m nərmama me pam səməme kamhahatətə fwe profens mi nəha Masetonia mɪne Akaea mə tuhesi

\* **1:2:** Fil 1:3-4, Kol 1:3, 2Tes 1:11      \* **1:3:** 1Kor 13:13, Kol 1:4-6

\* **1:5:** 1Kor 2:4-5, 1Kor 4:20      \* **1:6:** 1Kor 4:16, 2Tes 3:9, Wok Me

17:5-9      \* **1:7:** 1Tes 5:3

pen noien sækimiahaha. <sup>8</sup> \*Iakani iaminihi irə ti nəri nə mə kimiahaha hiənəvisau irapw raka nægkiariien səvəi Iərimənu kuvəregi ia kwopun me rəmwhen ia kisipw rasək. Ripko mhə fwe Masetonia əpa mine Akaea, mətə nərmama ia kwopun me pam həuvəregi raka kamini mə hiənəfo mhəuvehe mhatətə ia Kumwesən. Ro iaminihi irə kimaha tahəni nægkiariien riti ti nəfe. <sup>9</sup> \*Nərmama me pam nəha kamhəgkiari ia kitaha, mamhəni mə nəpən iahəuvehe mhətə kimiahaha fwe kupwən, hiəsevər ia rərīmiaha tukumaha, nənə mharaka ia nənīmwi nari me sækimiahaha səməme hiaməfwaki pen minraha, mhəuvehe mhəkurirə Kumwesən səkimaha. Irəha kamhəni mə ipwet mine hiamo tukwini nari m Kumwesən pərhiən sə ramiru, <sup>10</sup> \*mamheitenhi tini sə in rino rətui mwi ia nemhəien. Tini nəha Iesu sə truku pen ia neiai, muvehe, muvehi raka kitaha ti niemaha səvəi Kumwesən ia nəpən rauvehe.

## 2

### *Wok sə Pol rino fwe Tesalonaeka*

<sup>1</sup> \*Piak me, kimiahaha hiəukurən mə nəpən iahəuvehe mhətoni kimiahaha fwe kupwən, nuveheien səkimaha ripko mhə nəri auər a irə. <sup>2</sup> \*Hiəukurən mə nəpən iahamarə ihi fwe Filipae, nərmama ho nəmisəien m kimaha, mhəni ərəha kimaha. Mətə Kumwesən səkitaħa rino nətərigiən səkimaha riskai iahəuvehe mhəni irapw nægkiariien amasan səvənhi tukumiahaha ia nəmri

---

\* **1:8:** Rom 1:8    \* **1:9:** Wok Me 14:15    \* **1:10:** Taet 2:13, Wok Me 17:31, 1Tes 5:9  
 \* **2:1:** 1Tes 1:5,9    \* **2:2:** Wok Me 16:19-24, Wok Me 17:1-9

nərmama həpik səməme həmwəki nəgkiariien nəha. <sup>3</sup> Nənə hiəukurən mə nəgkiariien səkimaha iahənəvisau irapw m kimiaha rier ia tərhumaha ti nəfe? Ti nəri nə mə iahərkwafə nətərigien ərəha riti ia rerimaha, uə iahəmwur mə taheikuə ia kimiaha, uə taho nifeifeien m kimiaha? Rekəm! <sup>4</sup> \*Iahəpwəh noien iamınha irə, mətə ia nəpın me iahaməni nəgkiariien sə Kumwesən rokeikei, ti nəri nə mə in rınətə raka kimaha mə iahəmwhen, rəmri pehe nəgkiariien amasan səvənhi ia tıpage rəgimaha. Ro iamınhi irə iahəpkəmwur mhə mə nərmama rerınraha tragien tukumaha, mətə iahaməmwur mə Kumwesən sə ramətə nətərigien səkimaha rerın tragien tukumaha. <sup>5</sup> \*Rəmwhen kimiaha hiəuvəukurən raka kimaha iahəpkuvehe mhə mhəni nəgkiariien əsien me tukumiaha, uə nəgkiariien sə tahəvi kimiaha irə hiəuvehe mhəuvei pehe mane m kimaha. Kumwesən mwi rukurən mə nəgkiariien i ro nıpərhienien! <sup>6</sup> \*Nənə iahəpkəmwur mhə mə taho nərmama həgnəgini kimaha. Iahəpwəh noien iamınhi irə ia kimiaha uə ia nərmama nepwın mwi.

<sup>7</sup> Nənə nari riti ti nəri nə mə kimaha aposol me səvəi Kristo iahəukurən niniien mə tihaməkeikei mhəsiai kimaha rəmwhen ia nəmə asori me, mətə iahəpkə mhə iamınhi irə. Nəpın iahamarə kitaha m kimiaha fwe kupwən, noien səkimaha rıməru rəmwhen ia mama riti sə ramətui amasan ti nıpwın me. <sup>8</sup> Iahokeikei pik kimiaha, ro pen ia nəpın me nəha rerimaha ragien ti nini irapwien nəgkiariien amasan səvəi Kumwesən tukumiaha.

---

\* **2:4:** 1Tim 1:11, Kal 1:10, Jer 11:20      \* **2:5:** Wok Me 20:33, 2Tes 2:3, Rom 1:9, 1Tes 2:10      \* **2:6:** Jon 5:41,44

Mətə ripko mhə in əpa i, rerimaha ragien a mwi ti nuvei peheien nimiruien səkimiaha m kimiaha ti nəri nə mə iahokeikei pik kimiaha.

<sup>9</sup>\*Piak me, rerimiaha ramrhi wok skai sə iahəno uə rekəm? Nəpɪn iahaməni irapw nəgkiariien amasan səvəi Kumwesən tukumiaha, iahamo wok ia rəgimaha ia nəpɪn mine ia ran mə tahəpwəh nəres peheien nari riti tukumiaha.

<sup>10</sup> Kimiaha mine Kumwesən mwi hiəukurən mə nəgkiariien i ro nɪpərhienien! Nəpɪn iahamarə kitaha m kimiaha nərmama hiamahətətə ia Kumwesən, noien səkimaha ro ikinan, matukwatukw, məmher. <sup>11</sup> Hiəukurən mə iahəno m kimiaha rəmwhen ia tata riti ramo m nɪpwnətɪn me. <sup>12</sup> Iahamərpwi əknekin kimiaha, mamhəuvehi utə nətərigien səkimiaha, nənə mamhəgkiari skai m kimiaha mə tiharə ia narəien sə ratukwatukw ia nəmri Kumwesən. In raməkwein kimiaha mə tihəuvehe ia nəkwai nitətə sə in ramərimənu irə mamhəhiapw.

<sup>13</sup>\*Nari riti mwi nəha ikin ia nəpɪn me pam iahaməni vivi Kumwesən tukwe. Nəpɪn iahəni pehe nəgkiariien səvəi Kumwesən tukumiaha, kimiaha hiəregi, mhəuvehi nəgkiariien nəha, mhəni nɪpərhienien irə. Hiəpkuvehi mhə nəgkiariien nəha rəmwhen ia nəgkiariien səvəi iərmama, mətə hiəuvehi atukwatukw mhəukurən mə nəgkiariien i in pərhien nəgkiariien səvəi Kumwesən. Nəgkiariien nəha rauverə ia kimiaha səməme hiaməni nɪpərhienien irə. <sup>14</sup>\*Piak me, hiəukurən nakalasia me səvəi Kumwesən

---

\* **2:9:** Wok Me 20:34, 1Kor 4:12 \* **2:13:** 1Tes 1:2, 2Tes 2:13, Kal 1:11-12 \* **2:14:** Wok Me 17:5

fwe tənə Jutia kambahni nīpərhienien ia Iesu Krīsto. Kīmīaha hiəuvəuvehe mhənəmwhen raka ia nīrəha. Iakani iamīnhi irə ti nəri nə mə nəmīsəien me nəha nəkur Isrel hənō mīnraha nəkur imwəmiaha me hənō rəmwhen a mwi ia kīmīaha. <sup>15</sup> \*Nəkur Isrel me nəha irəha hənōusi əpune Iesu Iərimənu səkītaha, mīne profet kupwən me, nənə mhəkoui irapw kīmaha iahəier. Kumwesən rerīn rīpkagien anan mhə ti nīrəha. Irəha kambahmwəki nərmama me pam, <sup>16</sup> \*mamhəmwur mə tuhənise kīmaha iahəpwəh nəgkiariien m nərmama rīpko mhə irəha nəkur Isrel kamo Kumwesən ruvehimīru irəha. Ia noien nəha kambahkutan pen noien ərəha səvənraha meste trukuar. Mətə təkwtəkwuni nəha niemaha səvəi Kumwesən ruvəuvehe mīneste irəha.

*Pol rokeikei pīk mə trətoni mwi nəkur Tesalonaeka*

<sup>17</sup> \*Piak me, fwe kupwən kīmaha iahənəpwəh kīmīaha ia nīpwramaha mhəuvən isīpwīn tukumīaha səvəi nəpīn ouīhi, mətə nətərigien səkīmaha raməmak ihi ia kīmīaha. Ia nəpīn nəha iahaməmwur pīk mə tahərərīg mhətoni mwi kīmīaha ti nəri nə mə iahokeikei pīk kīmīaha. <sup>18</sup> Iahənokeikei mə tahəuvehe mhətoni kīmīaha, iou, Pol, iakani pərhien mə iakinəmwur nəpīn rīpīk, mətə Setan rəsisəg kīmaha. <sup>19</sup> \*Nəfe nəha iahaməmri pen əknekīn nətərigien səkīmaha irə, uə nəfe nəha nagienien səkīmaha mīne kəfəfau səvəi nīsiāiien sə tahərpwi kīmaha tukwe ia nəmri Iərimənu səkītaha Iesu nəpīn in truvehe irə? Rosi

---

\* **2:15:** Wok Me 2:23, 7:52      \* **2:16:** Mat 23:32-33      \* **2:17:** 1Tes 3:10  
 \* **2:19:** Fil 2:15-16, 4:1, 2Tes 1:4

kimiaha nə uə? <sup>20</sup> Ouəh nɪpərhiɛniɛn, kɪmiaha nə nərɪmama iahamərpwi kɪmaha tukumiaha, nənə rerimaha ramagien tukumiaha.

### 3

<sup>1</sup> \*Nəpɪn kɪmaha iahəuvavən isipwɪn tukumiaha, rerimaha rəpou pɪk tɪ nəri nə mə iahəreirei mə hiamarə amasan uə rekəm. Ro iamɪnhi irə iahəni sɪmwɪn mə iou mɪne Saelas trauarə kɪmrau əpa ia taon nəha Atens, <sup>2</sup> \*mətə Timoti truvehə mətoni kɪmiaha. In piəvtaha riti sə ramo wok səvəi Kumwesən kɪmaha min, iahaməvisau irapw nəgkiariien amasan səvəi Kristo. Kɪmaha iahərhi pehe in tukumiaha mə trasitu ia kɪmiaha muvehi utə nətərigien səkɪmiaha, nənə mərpwi əknekɪn kɪmiaha ia nahatətəien səkɪmiaha, <sup>3</sup> \*mə nəmisəien me i kamo m kɪmiaha tuhəpwəh noien kɪmiaha riti rɪmwei. Hiəuvəukurən raka mə nəri in i kɪmərɪfi raka mə tuko m kɪtaha iamɪnhi irə. <sup>4</sup> \*Nəpɪn iahamarə kɪtaha m kɪmiaha fwe kupwən iahaməni pehe tukumiaha mə tuko nəmisəien m kɪtaha. Nənə hiəukurən amasan mə ruvəuvehe mɪno nɪpərhiɛniɛn irə rəmwhen iahəməni tukumiaha i. <sup>5</sup> \*Ro iamɪnhi irə nəpɪn rerɪk rəpou pɪk tɪ nəri nə mə iakreirei mə hiamarə amasan uə rekəm nənə iakərhi pehe Timoti mə truvehə mətoni ro nahatətəien səkɪmiaha mə ramskai ihi uə rekəm. Iakamhekɪr mə ia suatuk riti Setan sə raməmwur mə tro nərɪmama həmwei ia nərəhaien rɪno raka kɪmiaha hiəmwei ia nərəhaien, nənə wok səkɪmaha tro nəri auər a irə.

---

\* **3:1:** Wok Me 17:15    \* **3:2:** Wok Me 16:1-3    \* **3:3:** Efes 3:13,  
2Tim 3:12    \* **3:4:** Wok Me 14:22    \* **3:5:** Fil 2:16

*Timoti rirərig pehe məvisau nəgkiariien amasan riti m Pol mine Saelas*

<sup>6</sup> \*Təkwtəkhwuni nəha Timoti ruvərərig pehe mwi tukumaha, nənə məvisau pehe m kimaha nəgkiariien amasan i raməgkiari ia nahatətəien mine nokeikeiien səkimiaha. In rıməni pehe tukumaha i mə rerimiaha ramrhi ihi kimaha ia nagienien, nənə mhokeikei mə tihətoni kimaha rəmwhen a ia kimaha iahokeikei mə tahətoni kimiaha. <sup>7</sup> \*Ro iamınhi irə, piak me, nəri auər a iahamregi rərəha ia nəmisəien me i kamo m kimaha, mətə nəgkiariien səvəi nahatətəien səkimiaha rıməuvehi utə nətərigien səkimaha tukumiaha. <sup>8</sup> Nəpın kimaha iahəregi mə kimiaha hiamərer əknekın ti Iərimənu səkitaha iahəregi mə iahəuvehi mwi nimiruien. <sup>9</sup> Ia nəmri Kumwesən səkitaha rerimaha ramagien tukumiaha. Nagienien nəha rasori pik mamō kimaha iahaməni vivi Kumwesən tukumiaha. <sup>10</sup> Ia nəpın me pam ia nəpın mine ia ran iahaməfwaki skai mə tahətoni mwi kimiaha, mhahatən kimiaha ia nəfe hiəreirei ihi mə nahatətəien səkimiaha triskai mwi.

<sup>11</sup> \*Nənə pwəh Kumwesən tata səkitaha, mine Iesu Iərimənu səkitaha, trouo suatuk riti səkimaha ti nuveheien mhətoni kimiaha. <sup>12</sup> Pwəh Iərimənu səkitaha tro nokeikeiien i hiamō m kimiaha me mine nərmama me pam ruvehe rasori mwi rəmwhen ia nokeikeiien səkimaha rasori tukumiaha. <sup>13</sup> \*Ia noien i in tro rerimiaha riskai. Nənə ia nəpın nəha Iesu Iərimənu səkitaha truvehe irə irəha nərmama ikinan me səvənhi, tihərer ia

\* **3:6:** Wok Me 18:5      \* **3:7:** 2Tes 1:4      \* **3:11:** 2Tes 2:16

\* **3:13:** Fil 1:10, 2Tes 1:7,10



nəmri Kumwesən tata səkitaha, mhatukwatukw, mhəmher.

## 4

*Nəfe nəha noien nəkur əfwaki me tuho Kumwesən rerin ragien ti nirəha*

<sup>1</sup>\*Piak me, takaməkeikei mægkiari ia narimnari nepwın. Iahənahatən raka kımiaha ia nəfe noien sə tiho mə Kumwesən rerin ragien tukumiaha. Nıpərhiendien i hiəno raka. Nənə təkwtəkwuni iahaməres kımiaha nənə mamhəres skai ia nəghi İesu İərimənu səkitaha mə tihamo a iamınhi irə mamhəuvən. <sup>2</sup>Hiəuvəukurən raka nəvəhagien me nəha səməme iahəuvei pehe m kımiaha fwe kupwən ia nəghi İesu İərimənu səkitaha.

<sup>3</sup>\*Nəri in i nəkwai Kumwesən mə kımiaha tihəmher, mho nəkur ikinan me səvənhi ia kımiaha. Tihəpwəh nesi penien suatuk səvəi nıpran mine nərman səməme kamhəiri əpnəpen irəha me. <sup>4</sup>Kurirə kımiaha kuatia kuatia hiəiri pran tihəkupwən mhəukurən noien sə rəmher, mo ikinan, mo nisaiien kamiri pran irə.

<sup>5</sup>Tihəpwəh niriien pran ia suatuk sə hiaməkurirə a nəfe nıpwramiaha rokeikei pik rəmwhen ia nərmama səməme hərəirei Kumwesən kamho.

<sup>6</sup>\*İa narimnari me nəha, kımiaha riti trəpwəh noien rərəha ia piəvni makres səvənhi pran uə tini. İərimənu səkitaha trərpwın noien ərəha səvəi nərmama me nəha səməme kamho noien nəha rəmwhen iahəuvəni skai raka tukumiaha.

<sup>7</sup>\*Kumwesən rıpkəkwein mhə kitaha mə tsamesi

---

\* **4:1:** 2Tes 3:6      \* **4:3:** 1Tes 5:23, Hip 10:10, 1Pit 1:16      \* **4:6:**

Sam 94:1      \* **4:7:** 2Tes 2:13-14, 1Pit 1:15-16

pen noien sə rəmkemik, mətə noien sə rəmhər, mo ikinan i. <sup>8</sup>\*Ro pen iərmama sə ruvei pen təkutan m nəvəhagien i, riṗko mhə ruvei pen təkutan m iərmama, mətə ruvei pen təkutan m Kumwesən sə rauvei pehe Nənimwīn Ikinan səvənhi m kīmiaha.

<sup>9</sup>\*Mətə ia nīkaren səvəi nokeikeijen sə hiamō m piəvtaha me kīmaha tahərai nəkukuə tukumiaha ti nəfe. Kumwesən rinahatən raka kīmiaha mə tihaməkeikei mhokeikei kīmiaha me. <sup>10</sup>\*Nənə pərhien hiokeikei piəvtaha me pam fwe Masetonia. Mətə piak me iahaməres pehe mə tihamo a iamīnhi irə mamhəuvən.

<sup>11</sup>\*Tihaməkeikei mamhəmwur mamharə ia narəien afafa, mamhətui atukw a ti narimnari me səkīmiaha, nənə mamho wok ia rəgīmiaha rəmwhen a iahəuvəni raka tukumiaha i. <sup>12</sup>\*Ia noien nəha nərmama iruə me tuhətoni noien sə hiamō ia nəpīn me mə ratukwatukw a. Nənə tihəpwəh nətiḡiteien ia nərməpə me mə tuhəuvei pehe nəfe riwən təni kīmiaha.

### *Nuveheien səvəi Iərimənu səkitaha*

<sup>13</sup>\*Piak me, kīmaha iahokeikei mə tihaməkeikei mhəukurən kaməfo ia nərmama me i səməme həuvamhə mə tihəpwəh nasəkien ti nīrəha rəmwhen ia nərmama səməme nari amasan riti riwən kamheitenhi mə truvehe. <sup>14</sup>\*Kitaha saməni nīpərhienien mə Iesu rimamhə marə mətui mwī ia nemhəien səvənhi. Ro pen səukurən mə tuko mwī iamīnhi irə ia nərmama me i səməme həməni nīpərhienien ia Iesu meste

---

\* **4:8:** Luk 10:16, Esik 36:27, Esik 37:14, 2Kor 1:22    \* **4:9:** Jon 13:34    \* **4:10:** 2Tes 3:4    \* **4:11:** Efes 4:28, 2Tes 3:8,12    \* **4:12:** 1Kor 5:12-13, Kol 4:5    \* **4:13:** Efes 2:12    \* **4:14:** Rom 14:9, 1Kor 15:3-4,12

hemhə. Kumwesən tripeki irəha hərərig mwi irəha Iesu. <sup>15</sup> \*Nəgkiariien i iahaməni pehe tukumiaha i təkwtəkwni in nəgkiariien səvəi Iərimənu səkitaha. Kitaha i nərmama səməme saməmiru ihi meste nuveheien səvəi Iərimənu səkitaha, kitaha ko səpkukupwən mhə ia nərmama səməme həuvamhə raka. <sup>16</sup> \*Iərimənu səkitaha truku pen fwe ia neiai mameiwaiu pehe. Ia nəpən nəha in trini nəkwan, agelo sə in rasori ia nagelo me trəkwein, kisipw səvəi Kumwesən trasək, nənə nərmama səməme həməni nīpərhiēnien ia Kristo meste hemhə irəha tuhəkupwən mhətui mwi ia nemhəien səvənraha. <sup>17</sup> Kurirə irə kitaha i səməme saməmiru ihi tukuvehi kitaha sətə kitaha minraha. Tsətə i nəpuə me tsətoni Iərimənu səkitaha ia nimagouagou. Nənə tsarə rerin kitaha Iərimənu səkitaha. <sup>18</sup> Ro pen tihəni nəgkiariien me i tukumiaha me mhəuvehi utə nətərigien səkimiaha me irə.

## 5

<sup>1</sup> \*Mətə piak me, ia nīkaren səvəi nəpən atukwatukw narimnari me nəha tuhəier pehe irə kimaha tahərai nəkukuə tukumiaha ti nəfe. <sup>2</sup> \*Kimiaha hiəuvəukurən raka mə nəpən i kani mə Nəpən səvəi Iərimənu truvehe rəmwhen ia rakres sə rauvehe ia nəpən. <sup>3</sup> \*Nəpən nərmama kamhəni mə, “Narimnari me pam həmərinu, nari riti tro nehekiriēn i riwən,” nənə, nərəhaiēn truvehe akwauakw ti nīrəha rəmwhen ia pran sə təkutan

\* **4:15:** 1Kor 15:51 \* **4:16:** 1Tes 1:10, 2Tes 1:7, 1Kor 15:52

\* **5:1:** Mat 24:36 \* **5:2:** Mat 24:42-44, 2Tes 3:10, Rev 3:3 \* **5:3:** Esik 13:10, Mat 24:39, Luk 21:34-35, Jon 16:21-22

rinaməmisə ti nərəhiien tini. Nənə ko irəha həpkarə mhə.

<sup>4</sup> Mətə piak me, kimiaha hiəpkarə mhə ia nəpitəvien rəmwhen ia nirəha. Ripkatukwatukw mhə mə nəpin nəha tro kimiaha hiərkərinari rəmwhen ia rakres riti. <sup>5</sup> \*Kimiaha nīpwnəti nukuraanien me mine niranien. Ripko mhə kitaha nīpwnəti nəpitəvien me mine nəpin. <sup>6</sup> Ro iamīnhi pwəh səpwəh nəmwhenien ia nərmama me i kamhapri, mətə pwəh samətui a, mhəpwəh noien rəmwhen ia nərmama me i kamhənimwi nənīmwiien skai mamhakonə irə. <sup>7</sup> Iakani iamīnhi irə ti nəri nə mə nərmama me i kamhapri, irəha kamhapri ia nəpin. Nənə nərmama səməme kamhənimwi nənīmwiien skai mamhakonə irə, irəha kamho noien nəha ia nəpin. <sup>8</sup> Mətə kitaha i nīpwnəti nukuraanien me. Pwəh sətui mhəpwəh nakonəien nənīmwiien skai. Pwəh səkwətəmhiri noien səvəi nahatətəien mine nokeikeiien. Noien nəha rəmwhen ia tinari kino ia aean ramo tukuahag kwənpwenhi iərmama ti naruagəien. Pwəh səmri pen əknekin nətərigien səkitaha ia Kumwesən mamheitenhi in mə truvehimīru kitaha. Noien nəha rəmwhen ia kəfəfau kino ia aean ramo tukuahag kənpwə iərmama ti naruagəien. <sup>9</sup> \*Kumwesən rīpkrfi mhə kitaha mə niemaha səvənhi truvehe tukutaha, mətə rīmərfi kitaha mə Iesu Kristo Iərimənu səkitaha truvehimīru kitaha. <sup>10</sup> \*In rīmamhə tukutaha mə saməmīru uə səuvamhə raka tsəukurən narəien

---

\* 5:5: Rom 13:12, Efes 5:9 \* 5:9: 1Tes 1:10, 2Tes 2:14 \* 5:10: Rom 14:8-9, 1Tes 4:14

kitaha min.<sup>a</sup> 11 \*Ro iam̄inhi irə tihəuvehi utə nətərigien səkimiaha me, nənə mhərpwi əknek̄in kimiaha me rəmwhen sə hiamo ipwet mine.

### *Nəvəhagien me sampam*

12 \*Piak me, iahaməres pehe m kimiaha mə tihəsiai nərmama me nəha kamhəsese kimiaha minraha, səməme lərimənu səkitaha riməuvehi utə irəha hasori ia kimiaha, nənə mamhəvəhag m kimiaha. 13 Tihəsiai amasan irəha mhokeikei irəha ti wok sə kamho. Kimiaha tihaməkeikei mharə ia nəmərinuien, mhəpwəh nəvisəien m kimiaha me. 14 \*Nənə piak me iahaməni pehe tukumiaha i mə tihaməkeikei mhəgkiari skai m nərmama səməme kamharpaha. Nərmama səməme rerinraha rəpou tihəgkiari vivi minraha mhəuvehi utə nətərigien səvənraha. Hasitu ia nərmama səməme niskaiien səvənraha riwən. Niemaha trəpwəh nəpi akwauakwien kimiaha, mətə tiho nətərigien səkimiaha rəpwəmwis ti nirəha pam. 15 \*Trini minuə nərmama kamho rərəha ia kimiaha, mətə tihəpwəh nərpwinien tai noien səvənraha. Nəp̄in me pam tihaməkeikei mhousari mə tiho ramasan m kimiaha me mine nərmama me pam.

16 \*Rerimiaha traməkeikei mamagien ia nəp̄in me pam, 17 \*nənə, mhəgkiari m Kumwesən ia nəfwakiien ia nəp̄in me pam. 18 \*Nəp̄in me pam

<sup>a</sup> 5:10: Suatuk riti mwi ti n̄iniien nəgkiariien i ia vas 10 in i mə: “In rimamhə tukutaha mə samapri uə samətui tsəukurən narəien kitaha min.” \* 5:11: *Jut 20* \* 5:12: *1Kor 16:18, 1Tim 5:17* \* 5:14: *2Tes 3:6,11,15* \* 5:15: *Prov 20:22, Rom 12:17, 1Tes 3:9* \* 5:16: *Fil 4:4* \* 5:17: *Luk 18:1* \* 5:18: *Efes 5:20*

tihəni tanak ti Kumwesən nəri auər a mə hiamarə ia namasanien uə nərəhaien. Tiho iaminihi ti nəri nə mə in i nəkwai Kumwesən sə in rokeikei mə kimiaha nərmama səvəi Iesu Kristo tiho.

19 \*Tihəpwəh niniseien Nənimwin Ikinan.

20 \*Tihəpwəh nətə ərəhaien nəgkiariien səvəi iərmama riti sə rini mə Kumwesən riməuvei pen nəgkiariien nəha min. 21 Hətoni amasan nənə mhəkiri amasan narimnari me pam, nənə, mhəkwtəmhiri əknekin nəri amasan, 22 nənə, mhəpwəh narimnari me pam səməme hərəha.

23 \*Pwəh Kumwesən əpa i Kumwesən səvəi nəmərinuien ro kimiaha hiəuvehe mhəmher pam. Pwəh in ro nənimwin me pam səkimiaha, mine nimiruien me pam səkimiaha, mine nipwramiaha me pam tuhatukwatukw ia nəpən Iərimənu səkitaha Iesu Kristo truvehe irə. 24 Kumwesən rinəkwein raka kimiaha, nənə, kimiaha hiəukurən nətigiteien irə mə in tro narimnari me nəha.

25 \*Piak me, tihəfwaki tukumaha. 26 \*Tihəni ramasan ti piəvtaha me, mhakei minraha ia nakei-ien sə rəmher. 27 Ia nəghi Iərimənu səkitaha iakani skai tukumiaha i mə tihəvsini irapw nəkukuə i m piəvtaha me pam.

28 Pwəh namasanien səvəi Iərimənu səkitaha Iesu Kristo tramarə tukumiaha.

---

\* 5:19: Efes 4:30      \* 5:20: 1Kor 14:1,39      \* 5:23: 1Kor 1:9,  
2Tes 3:3      \* 5:25: Kol 4:3, 2Tes 3:1      \* 5:26: Rom 16:16

**Nə̄kukuə̄ Ikinan**  
**The New Testament in the Nafe (Kwamera) language**  
**of Southeast Tanna, TAFEA Province, Vanuatu**  
**Niutestamen long lanwis Nafe blong Vanuatu.**  
**Le Nouveau Testament dans la langue Nafe de**  
**Vanuatu.**

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

---

PDF generated using Haiola and XeLaTeX on 11 Nov 2022 from source files dated 30 Nov 2021

26b0f540-c192-5878-be67-18ede9ab1416